



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. II. Vera sententia, duplii conclusione statuitur,

---

[urn:nbn:de:hbz:466:1-77232](#)

Hurtado, novus hujus temporis Nominalis, disp. 4. metaphy. sect. 4.

Secunda sententia existimat, divina attributa ita posse praescindi ab essentia, vel essentiam ab attributis, ut unum in alio non includatur, etiam implicitè. Ita Vazquez hic disp. 119. cap. 2. Meratus, Fasolus, & alij.

Tertia, quæ est communis in Schola Thomistarum, & quam plures ex recentioribus sequuntur, docet attributa divina distingui ab essentia, vel inter se, solum per modum expliciti & impliciti, sicut ens distinguitur à suis proprietatibus, in quibus transcendentaliter includitur.

## §. II.

*Vera sententia, duplice conclusione statuitur.*

**D**ico primò: Inter attributa divina & essentiam, & inter ipsa attributa, datur distinctio rationis ratiocinatae, & cum fundamento in re; & non solum rationis ratiocinantis, vel ex connotatione extrinseca rerum creaturarum.

Hanc conclusionem docet D. Thomas varijs in locis præsertim in 1. dist. 2. quest. 1. art. 2. ubi sic habet: *Quidam dicunt quod ipsa attributa non differunt, nisi penes connotata in creaturis, quod non potest esse &c.* Et ibidem art. 2. *Sapientia, & bonitas, & omnia hujusmodi, sunt omnino unum in Deo, sed differunt ratione;* & *hac ratio non est tantum ex parte ipsius ratiocinantis, sed ex proprietate ipsius rei.*

Eadem veritas ratione suadetur: Illa distinguntur ratione ratiocinata, qua distinguntur ratione, cum fundamento in re: Sed divina attributa distinguntur inter se, & ab essentia, distinctione rationis cum fundamento in re: Ergo &c. Major constat ex primo notabili, Minor probatur. Licet res illa qua Deus est, sit unica & simplicissima, est tamen virtualiter multiplex, & equivaler pluribus perfectionibus à parte rei distinctis in rebus creatis; unde quamvis ratione unitatis & simplicitatis, nullam videatur fundare distinctionem, sed potius omni distinctioni opponi: ratione tamen eminentia, & virtualis multiplicitas, eam fundat, quatenus talis eminentia non potest adquære concipi à nostris conceptibus, qui speciebus creaturarum utuntur ad tendendum in Deum; & sic oportet plures conceptus multiplicare ad attingendas perfectiones divinas, ut egregiè exponit S. Doctor infrā quest. 13. art. 4. ubi videndum est. Distinctio ergo rationis, quam concipiimus in divinis attributis, duplex habet fundatum: unum ex parte nostri, nempe limitationem intellectus creati, & modum concipiendi res divinas, per analogiam ad creatas: aliud ex parte Dei, eminentiam scilicet divinæ perfectionis, quæ licet in se simplicissima, & equivaler tamen pluribus à parte rei distinctis. Unde S. Thomas loco citato ex 1. sent. dicit quid *pluralitas ipsarum rationum, non tantum est ex parte intellectus nostri, sed etiam ex parte ipsius Dei; inquantum sua perfectione superat unamquamque conceptionem nostri intellectus;* & ideo pluralitati ipsarum rationum, responder aliquid in re qua Deus est, non quidem pluralitas rei, sed plena perfectione.

Præterea hanc conclusionem probant argumenta Scoti articulo præcedenti proposita: Ea enim quæ diversas habent definitiones, & de quibus prædicata contradictione verificantur, & quæ ita se habent, ut unum possit esse ratio à priori, &

A causa virtualis alterius, debent distingui saltem virtualiter, & distinctione rationis quæ habeat fundamentum in eminentia rei, ut constabit ex dictis solvendo argumenta Scoti.

Addo quodex opinione illa Nominalium, sequitur omnia nomina, que Deo attribuuntur, esse synonima, & idem omnino significare; atque hæc tria nomina, *sapientia, bonitas, insititia,* non magis esse diversa, quam hæc tria, *Martius Tullius Cicero.*

Item juxta hanc sententiam, vix potest explicari, quomodo divina essentia possit communicari Filio sine paternitate, vel hypostasis Verbi uniri primariò nature humanae, non autem ejus essentia. Vel quid ratione intellectus in Deo

B sit principium quo generandi, non autem voluntas, & voluntas principium spirandi, non autem intellectus, pluraque alia quæ in Tractatu de Trinitate latius expendemus. Unde Suarez libro 7. de Trinitate cap. 1. de hac sententia Nominalium, hanc profert censuram: *Hæc opinio, si in re ipsa dissentiat à communi sententiâ, est plusquam falsa; si vero tantum in modo loquendi, est impertinens, & sine fundamento, & vix permittit nobis, uti vocibus apertis ad explicandum hoc mysterium, scilicet Trinitatem.*

Dico secundò: Attributa divina, inter se, & ab essentia, ita ratione distinguntur, quid essentia in suo conceptu implicitè includit attributa, & includit in illis, & quodlibet attributum includit ex parte.

Probatur primò conclusio ratione fundamentali. Quodlibet attributum, quantumcumque ab aliis distinctum concipiatur, semper tamen debet concipi ut actus purus, & simpliciter, ac in genere entis infinitus: Ergo debet concipi ut includens actu, saltem implicitè, omnem perfectionem, quæ sibi potest adjungi vel convenire. Consequientia patet, quia de ratione actus puri est, quid non possit concipi, ut perfectibile per additionem alterius, & in potentia ad illud, sed debet concipi ut in se omnino perfectus, licet tota ejus perfectione, in nostro conceptu non explicetur. Similiter cum infinitum simpliciter, in se formaliter includat omnem rationem entis, quæ non involuit limitationem & imperfectionem: quia infinito nihil potest addi in illo genere in quo est infinitum: si divina essentia, ejusque attributa, concipi debeant ut infinita simpliciter, & in genere entis, debent concipi cum inclusione saltem implicita, cuiuscunque perfectionis simpliciter simplicis.

Confirmatur: Illud habet essentia divina, ratione sua infinitatis, quod habet ens, ratione sua transcendentalis: Sed ens, ratione sua transcendentalis, ita intimè includit in suis proprietatibus, ut non possit ab eis perfectè abstrahi: Ergo & divina essentia in suis attributis.

E confirmatur amplius: Ita se habet ratio entis divini & increati, respectu sapientiae increatae, sicut ratio entis creatae, respectu sapientiae creatae: Sed ratio entis creatae, non potest perfectè abstrahi à sapientia creata: Ergo nec à sapientia increata, ratio entis divini & increati: nec consequenter alia attributa, quæ in tali ratione entis increati & per essentiam intimè claudantur & continentur.

F probatur secundò conclusio: Si in attributis divinis posset dari distinctio rationis, per modum excludentis & exclusi, & præcisiones objectivæ, quales admittuntur à Philosophis inter genus & differentiam,

34:

35:

36:

# DE ATTRIBVTIS DIVINIS IN COMMVNIS. 81

differentiam, aliosque gradus metaphysicos, A posset etiam dari in Deo compositio rationis: Sed illa repugnat divina simplicitati, ut infra ostendemus: Ergo in attributis divinis non potest dari distinctio rationis, per modum excludentis & exclusi. Sequela Majoris probatur: Sicut compositio realis est unio extremorum, quae realiter distinguuntur, ita compositio rationis, est unio plurium rationum, seu conceptuum, que se invicem per rationem excludunt: Ergo si divina essentia, ejusque attributa, fudent plures conceptus objectivos se mutuo excludentes, præbent etiam sufficiens fundamentum ad compositionem rationis.

Confirmatur: Conceptus objectivi qui se mutuo excludunt, inter se comparantur, per modum actus & potentiae, perfectivi & perfectibilis; ut constat in genere & differentia, aliisque gradibus metaphysicos: Sed in Deo non possunt dari duo conceptus objectivi, qui ad invicem comparentur per modum actus & potentiae, perfectivi & perfectibilis; repugnat enim actu puro & infinito, ex se fundare aliquam potentialitatem in nostris conceptibus, sed tantum offerre summam eminentiam, que actibus nostris imperfectis adaequare non possit: Ergo illi repugnat fundare conceptus objectivos se mutuo excludentes.

## §. III.

*Duo corollaria notata digna.*

37. **E**X dictis inferes primò, quod si divina attributa considerentur secundum rationem implicitam entis increati & infiniti, quam transcendentaliter includunt, omnia sunt aequalia; cum illa ratio entis increati sit unica, simplicissima, & indivisibilis, & in omnibus attributis eodem modo includatur. Si vero concipiatur secundum rationem explicitam, & per analogiam ad similes perfectiones, quae reperiuntur in creaturis, sub hac ratione sunt in aequali secundum quid, quatenus unum majorem exprimit perfectionem, quam alterum: v.g. intellectus major ex exprimit perfectionem, quam voluntas; & sapientia, quam scientia, vel ars; & ea quae spectant ad lineam intellectualem, omnium perfectissimam, quam ea quae pertinent ad voluntatem, & quae se habent tanquam affectiones ad lineam intellectualem consequentes.

38. Inferes secundò: Attributa divina prædicari non solum identice, sed etiam formaliter de essentia, & essentiam de attributis, & unum attributum de alio, tam in concreto, quam in abstracto. Prædicatio enim est vera & formalis, quando prædicatum essentialiter includitur in subiecto: Ergo si essentia divina essentialiter includitur in attributis, & attributa in essentia, & unum attributum in alio, poterunt formaliter de se invicem prædicari, tam in concreto, quam in abstracto.

Confirmatur: Cum Deus habeat ratione sua infinitatis, quod habet ens ratione sua transcendentialiter, eodem modo philosophandum est de attributis divinis, sicut de proprietatibus entis: Sed proprietates entis de se mutuo prædicanter formaliter, tam in abstracto, quam in concreto: illæ enim propositiones sunt verae: *Ens est verum, verum est bonum.* Et istæ, *Ens est veritas, veritas est bonitas.* Ergo similiter istæ erunt veræ, & formales: *Deus est sapiens, vel sapientia; Deitas est iustitia; iustitia est misericordia.* De

A quo videri potest D. Bernardus serm. 80. in Cantica, & libro 3, de consideratione.

Dices: Si unum attributum possit de alio formaliter prædicari, poterit etiam dici, quod unum attributum est aliud, v. g. quod attributum iustitia, est attributum misericordia. Poterit etiam propria operatio unius, attribui alteri; & affirmari quod voluntas intelligat, quod intellectus amet, quod misericordia puniat, quod justitia parcat &c. Sed haec omnia sunt falsa & absurdula: Ergo &c.

Respondeo negando sequelam Majoris: quando enim dico, *attributum misericordiae*, tunc ex primo misericordiam formalissimè & reduplicativè, secundum rationem explicitam, & quatenus virtualiter à iustitia distinguitur: sub qua ratione, non est idem formalissimè cum iustitia; nec potest de illa prædicari, vel ejus operatio ei tribui: quod ut fiat evidenter, & plura sophismata quae in hac materia fieri solent, facilius dissolvantur.

Adverte primò: Attributum quodlibet, posse concipi duobus modis in Deo. Primò prout appellat, & reduplicat proprium & explicitum conceptum, quem formaliter per modum veluti differentia dicit, & exprimit: quod est considerare ipsum, secundum quod actu exercet distinctionem virtualem ab altero attributo, ei que veluti opponitur. Secundò potest considerari, non solum præcisè secundum quod reduplicat proprium conceptum, quem per modum differentia exprimit, sed absolute secundum ea omnia que implicitè etiam continet.

Adverte secundò: Distinctionem vel relationem rationis, duobus modis importari posse in aliquo prædicato: scilicet per modum pura conditionis, vel per modum consignificati: v. g. in hac propositione, *homo est animal*, distinctione, vel relatio rationis inter gradum genericum & specificum, involvitur solum implicitè, & per modum conditionis ad prædicacionem requisite; quando vero dicitur, *animal est genus*, secunda intentio generitatis, & distinctione rationis à gradu specifico, importatur explicitè, & per modum consignificati. His positis, dico quod licet unum attributum possit formaliter prædicari de alio, secundum rationem implicitam entis increati quam importat; non tamen secundum rationem explicitam, quam formaliter, & per modum differentiae exprimit: quia in tali ratione explicita importatur formaliter, & per modum consignificati, distinctione virtualis unius attributi ab alio. Unde licet haec propositiones: *misericordia in Deo est iustitia*: *bonitas est sapientia*, sunt veræ, & formales; ista tamen, *attributum misericordiae est attributum iustitiae*: *vel intellectus amans voluntas intelligit*, sunt falsa; quia in his formaliter exprimitur, & exercetur distinctione virtualis unius attributi ab alio, ac importatur in illis, non solum per modum conditionis ad prædicacionem requisite, sed etiam per modum prædicandi, vel consignificandi: sicut in ipsis, *animal est genus*: *homo est species*.

## §. IV.

*Solvuntur objectiones.*

Objectiones primò cum Nominalibus contra primam conclusionem. Attributa non magis distinguuntur ab essentia, quam relationes: Sed relationes ab essentia, ne ratione quidem distin-

L